



15. maj 2023

Inatsisartut ingerlatsinermut maleruagassaanni § 37 imm. 1 tunngavigalugu Naalackersuisunut ukuningga apeqquteqaateqarpunga:

**Naalackersuisunut apeqquteqaatit:**

- 1. Ukiuni 2018, 2019, 2020, 2021 aamma 2022 meeqqat angerlarsimaffiup avataanut inissinneqarsimasunut aningaasartuutigineqarsimasut nassuiarnissaanik Naalackersuisut piumaffigineqarput. Ataatsimut kisitsi aammalu kommuunikkaarlugit agguataarneri piumavakka.**
- 2. Meeqqat angerlarsimaffiup avataanut inissinneqarsimasunut pissutsit ineriartornerinut Naalackersuisut qanoq isummerpat?**
- 3. Meeqqat angerlarsimaffiup avataanut inissinneqartartut ikilisarniarlugit Naalackersuisut suliniutit suut aallartisareerpaat?**
- 4. Meeqqat angerlarsimaffiup avataanut inissinneqartartut ikilisarniarlugit Naalackersuisut suliniutinik nutaanik aallartisaaniarnerlutik, taamaappallu suut?**
- 5. Naalackersuisut pineqartumut allanik paasissutissiisinaanerluni?**

(Inatsisartunut ilaasortaq Bjørk Lange Kristensen, Demokraatit)

**Tunngavilersuut**

Kommuuneqarfik Sermersooq nalunaaruteqarpoq meeqqat angerlarsimaffiup avataanut inissinneqartartut pillugit aningaasartuutit qaffariangaatsiarsimasut. 213 million koruunit meeqqat angerlarsimaffiup avataanut inissinneqartartunut 2023-mi immikkoortinneqarsimasut naammanngitsut maanna paasinarsivoq. 2022-mi kisitsisit tamanna takutippaat<sup>1</sup>.

Kommuunit sinnerini inissisimaneq tamanna aamma atuunnersoq paasissallugu soqutigintippara.

Uanga paasinnittaasera malillugu inuiaqatigiinni ajornartorsiuteqarnitsinnut tamanna takussutissaavoq, ilaqutareeqarnermut ingammillu meeqqat angerlarsimaffiup avataanut inissinneqartunut pitsaanngitsumik kinguneqartitsisoq. Taamaattumik paaserusuppara Naalackersuisut angerlarsimaffiup avataanut inissiisarneq annikillisinnaarlugu suliniutit suut aallartisarniarneraat.

Apeqqutit ullut qulit suliffiusut iluanni akineqareersimanissaat kissaatigaara.

---

<sup>1</sup> "Meeqqanut inissiisarnermut aningaasartuutit amerleriarujussuurtut" – ilanngussaq sermitsiaq.ag 15/5-2023 – <https://sermitsiaq.ag/kl/meeqqanut-inissiisarnernut-aningaasartuutit-amerleriarujussuurtut>